



Комсомолю В АЙ Г Я Л Ъ

Сембе наворонь proletariatske, нуромодна паре!

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна

Адрес: г. Саранск, Советская ул.,
Дом печати, Телефон № 1—80.

ПИТНЕЦ 5 тр.



ЛИСЕНДИ КОВТИ 12-кст

ИНЬ ЦЕБЯРЬ КОМСОМОЛЕЦНЕНЬ— ВКП(б)-ТЬ РЯДОНЗОНДЫ

Комсомолс—тя большевистский партия боевой резервац. Улемс коммунистокс—тя эрь комсомолецъ и комсомолкаты заветнай мечта. Миньонк эрь од ломань эсь лангсонза марасы ся великая заботать, конанц проявляет синь колгаст коммунистический партиясь.

Мордовиянь комсомольский организациясь, цебяргофтомок комсомолецнень йоткса политико-воспитательнай работать, анокласъ и максъ партия инь цебяр од ломатъ. Вов, кепотксонди, октябрь ковста ВКП(б) нь Лямбирский райкомс примазе ВКП(б) нь членонди кандидатс комсомолецъ Юсупов ялгаты. Сон цебяр производственник, общественник. Работамок НСШ-са учительск и первичнай комсомольский организацияти секретарьск, Юсупов ялгасы тисъ отличнай дисциплина комсомолецнень и школань сембе ученикнень йоткса. Фалу лувонды од ломаттнень лекцият и тиеднй докладт. Самостоятельна тонафнесы ВКП(б)-ть историянц первоисточниковъ коряс. Или вов комсомолецъ Муртазия ялгасы („Большевик“ колхозста), работамок колхоза, примоси активнай участия хозяйственно-политический сембе кампаниятнень йотафнемаснон эса. Цебяр работанц инкса ульс кучф ВСХВ-нь участникос. Районнай комсомольский конференцияса кочкаф ВЛКСМ-нь райкомъ секретаренцъ васенце заместителъск. Аф кунара ВКП(б)-нь райкомс примазе ВКП(б)-нь членонди кандидатс.

ВЛКСМ-нь Саранский горкомс рекомендовал партия инь цебяр комсомолкатнень-стахановкатнень. Махорочнай фабрикаста Садковат и Консервной комбинатста Буралкина.

Однак эряви азомс, што ВЛКСМ-нь кой-кона райкомтне комсомолецнень партия ряттнень анокламаснон нолдаз эсь отям. Аф стак Ардатовский районца (ВЛКСМ-нь райкомъ секретарец Торопкин ялгасы) кота ковста примафт партия анычек 5 комсомолецт, а Пурдошанский районца 3 ковста—анычек 4.

Серьезнай порококс тя тевса нинге танимс иляткшни бюрократический волокитасъ. Вов, С. Шайговань районца комсомолецъ Волков ялгасы нинге март ковста максъ заявления, коса энялды ВЛКСМ-нь райкомти максомс тейнза партия сувамс рекомендация, но райкомс тячемс нинге сонъ заявлениянц исце вавонда.

ВЛКСМ-нь райкомтнень эряви рекомендовать партия передовой, практический работаса провереннай комсомолецт, мяляфтомс, што партия комсомолецнень анокламасы—тя политический важностень оцю тев. Вов мес аш кода мирендамс сят фактнень мархта, мзярда тя тевт лангса руководствать вятсая бюрократический перепискань вельде.

Предоктябрьский СОРЕВНОВАНИЯСЬ

Трактористтнень подаркасна Октябряти

Торбеевский МТС-нь коллективс, йотафнемок эряфс социалистический соревнованиень метотнень эсь работасонза, Великай Октябрь 23-це годовщианц васьфнесы оцю сатфкс мархта. МТС-сь тя кизоня общегодовой планонц пшшкодезе 115 процентс и максъ государствати 86 тьожань экономия.

Нят сатфкснень сатомаса аф йомла рольсна ульс трактористтнень-комсомолецнень и аф союзнай од ломаттнень, конат побольшевистски тюрсть социалистический соревнованиень вельде СССР-нь Верховнай Советъ Президиумонц июнь 26-це шинь Указонц эряфс йотафтоманц инкса.

Трактористтне-комсомолецне: Трушин, Прохин, Осин, Лашин, эсь сменаст кизаквалмонь нормаснон пшшкодез 116—154 проц. Оцю успех сатс 6 № бригадаты бригадироц-комсомолецъ Поталкинъ. Сонъ бригада МТС-са занязе омбоце вассть. Средняйста эрь тракторти сонъ бригадасонза прашевды сокаф 761 гектар или 136,4 проц. Сонъ бригада сэкономил 3916 кг. горючай. Од ломатне—Лосевс „СТЗ“ тракторса пшшкодезе кизаквалмонь заданианц 200 проц., Ларькинъ „ЧТЗ“ тракторса эсь сменастонза сокас 1100 гектар. Замечательнай образецт работаса няфнихть Горбу-

новс, Спиркинъ и лама лиякомсомолецт и аф союзнай од ломатт.

Оцю волна кеподс МТС-нь рабочайн коллективт эса октябрь ковты 15-це шидонза меле, мзярда синь примастъ обращения Мордовский АССР-нь МТС-нь сембе трактористтнень, комбайнерхнень, бригадирхнень, механикхнень и ремонтнай рабочайхнень и сержадезь соревнованиас Ковылкинский МТС-ть. Синь эсь обращениасот сьормадсть:

„Минь максетяма обязательствва ремонтнай кампаният йотафтомс станя, штоба МТС-сь ульс 1941 кизонь Всесоюзнай сельхозвыставкаса достойнай участникос“.

Выставкаса участиянь правать инкса тюремати коллективс кярмодс тяникиге. Октябрь 1-це шидонза МТС-сь ушедс тракторнай парконц петема. Октябрь 15-це шинцы МТС-сь путс ремонт 8 тракторхт, 4 сеякат, 8 плукт, 6 культиваторхт, конатнень эзда тячинь пшти петф 4 сеякат, 8 плукт, 9 культиваторхт и 20 трактор ашихть ремонта, фкясь эздодост петф.

МТС-нь комсомолецне и аф союзнай од ломаттне равняются Майдановт и Федотовт бригадаснон коряс.

Кремнев.

Кода васьфтьсаязъ 'праздникть

Колапа велень аф полнай средняй школань ученикне оцю мялса аноклайхть Октябрьский Революцият 23-це годовщианц васьфтеманцы. Ученикне тячикиге сьормадыхть ни лозувкт, ученикне эсь йотковаст соревновандайхть, штоба праздникть васьфтемс цебяр и отличнай успеваемостьса. Сембе класснень эзга улихть нол-

дафт стенгазетат, коса улихть няфтьфт школать праздники сатфксонза.

Музыкальной и хоровой кружокне аноклайхть лама морот, а драмкружокс—аноклай пьеса „Земля“.

И. Вельмискин.
Е. Врагова.

С. Синдровский р-н.



Саранск ошень поликлиникатъ месткомонь членонза тонафнесазъ профорганонь кочкамат колга инструкцият.

СНИМКАСА: (Кяржи ширде види шири): месткомонь членъ К. А. Дубовик, МК-нь председателъ А. Ш. Магдеев, месткомонь членъ А. В. Струкалина ялгаты. Фотосъ А. Канифатьевъ.

Ф. В. Токарев, Н. Н. Поликарпов, Б. Г. Шпитальный, В. Г. Грабин, А. С. Яковлев, А. А. Микулин, В. Я. Климов, И. И. Иванов, М. Я. Крупчатников ялгатнень Социалистический Трудонь Геройнъ званиянь максомат колга

СССР-нь Верховнай Советъ Президиумонц
УКАЗОЦ

Вооружениянь од типонь тиема тевса выдающай достижениянкса, конат касфнесазъ Советский Союзть обороннай мощенц, максомс Социалистический Трудонь Геройнъ звания и вручивдамс Орден Ленина и „Серп и Молот“ золотой медаль:

1. Токарев Федор Васильевичи (стрелковой вооружениянь коряс).
2. Поликарпов Николай Николаевичи (самолетонь тевонъ коряс).
3. Шпитальный Борис Гавриловичи (авиавооружениянь коряс).
4. Грабин Василий Гавриловичи (артиллериянь коряс).
5. Яковлев Александр Сергеевичи (самолетонь тевс коря).
6. Микулин Александр Александровичи (авиадвигатонь тевс коря).
7. Климов Владимир Яковлевичи (авиадвигатонь тевс коря).
8. Иванов Илья Ивановичи (артиллериянь тевс коря).
9. Крупчатников Михаил Яковлевичи (артиллериянь тевс коря).

СССР-нь Верховнай Советъ Президиумонц председателец
М. КАЛИНИН.

СССР-нь Верховнай Советъ Президиумонц секретарец
А. ГОРКИН.

Моску, Кремль. 1940-це кизонь октябрь 28-це шидонза.

Спасибо Сталин ялгати

Мокшень Масканя велень колхозницасы П. С. Дьяковасы, сисем иденкса получасы 2 тьожатт цалковой государственнай пособия.

— Ляфтамска страшна сирепингтъ,—корхтай Дьякова колхозницасы.—Эста дряй эряфоль? Эста эсь лангстонк ваткальхть сисем кеттъ, а стирьнятненьди, вляня, модань пола истъ макссе. „Кода шачфнитъ, ста и касфнитъ“,—корхневъ кулакне и байархне. Аньцек Советский властс лихтемазъ нужаста, иденъ касфни аватненьди максси оцю забота. Тяни монъ сисем идне, синь эздост оцюфне тонафнихть, монъ колхозса работакшнян и тнень 125 трудоши. Ули кудозе, траксозе, учаян и иля жуваная. Тяфта пак оцю радостьса азонды эсь эряфонц Дьяковасы.

— Мон азондан седиваксонъ спасибо родной Сталинт!—аделазе валонц Дьякова ялгасы.

В. Миряшкин.

Греческий телеграфнай агентствасы опровергает иностранный печать измышлениязон

Греческий телеграфнай агентствасы опровергает иля странатнень эса распространившай сообщениать советский бомбардировщикнень и истребительхнень Грецияв молемаснон колга.

(ТАСС).

ШКОЛЬНОЙ ЭРЯФСЬ

Кепотькс школань сембе ученикненди

Черяпкин Ваня Кангуш велень ученикне и преподавательский коллективс содаса, кода дисциплинированный ялгань и цебярь общественниконь. Иотай тонафнема кизоть Черяпкин ялгась аделазе анычек цебярь и отличной отметка мархта. Ваня школаса оцю авторитетон. Отчетно-выборной комсомольский собранияс

сон кочкаф комсомольский комитетти секретарькс.

Черяпкин Ваня, няфнемок тонафнема отличной показателхть, максси оцю лезкс калдывста тонафни ученикненди. Сонь тонафнема и поведениа ащи кепотькс школань сембе ученикненди.

Л. Икомасов.

Ельниковский район.

Беззаботнай директор

Шямонь велень аф полный средней школань директорс Серебряковс школать 1940—1941-це тонафнема кизоти аноклазе пяк калдывста.

Тялось сувси, ни эсь праванзонды, а школать ялгань аш фкявок поляна пенгац. Школоса ведень лакафнемс ули аф калдыв плати, но сон эксплуатацияс аф кондисти, мезень сюнеда ученикненди сашевловисимондемс апака лакафтф ведьта.

Тяфтажа сави азомс, што Серебряковс преподавательхненди йоткова часттненди явозень аф учительхненди способностнон коряс, а кие Се-

ребряковт мархта кирди сотк личнай тевса, сянди макссви лама частт. Например, Аношкин Иван Емельяновичс омбоце кизось вятсь родной кяльт, но Серебряковс сонь калдывста ты предметт сявозе и максозе Чекаевти, конац сонь ты предметт содасы пяк калдывста.

Серебряковс эрь неделяти должен максомс аф 12 частта лама, но сон эстеевза сявс 28 част, мезень сюнеда уроконза йотнихть калдывста и сидеста синь сязендеви.

В. Симанин.

Ковылкинский район.

Калдыв работань результат

Касыкс поколения коммунистический воспитания—школьной комсомольский организационный фкя инь основной задачей. Но кода ты задаче пашкоткшнесы М. Паевский аф полный средней школань комсомольский организационный? Ответь фкя—калдывста.

Кода правила, ученикненди и пионерхненди йоткса воспитательнай работас катф эсь отити, мезень сюнеда синь эздост аф кржас повондыхть ульцать вреднай влияниа алу. Тяся ульхть аф кржа ученик и пионерхт, конац таргайхть, корхтайхть аф цевзурнай валса, хулиганендайхть и стаков. Тяфтама ученикне тонафнихть калдывста, дисциплина лафча. Ковонга аф кондисти ся, што нят сембе возмутительнай фактне

комсомольский организационный и учительский коллективт ширде аф васьфнихть кодамовок отпор.

Школоса ульхть ОСО-нь, МОПР-нь организационный, но синь бездействуют.

Иттенди йоткса внешкольной работат цебяргофтоманц колга кизефкс аф вест ванонтофл педсоветанияс, конац колга примафол лама решения, но синь иляткинихть апака пашкодть.

Нят серьезнай аф сатыксненди машфтомаснон инкса эрявихть мобилизовандам сембе вийхне, штоба иттенди коммунистический воспитаниясн кеподемс эрявикс серс.

Липенин.

Исарский р-н.

ОМБА МАСТОРГА

Греция и Италия йоткса военной действиине

Кода пачфнихть американский телеграфнай агентстватне, итальянский войскактне эцесть греческий территорият лангс Брезники района (албанский границать видеса) 30 милс. Итальянецне занязь Брезникит ожесточеннай бойда меле, имафтомок 42 ломань шавфста и 60—ранендафста. Грекне имафтсть 23 ломань шавфста и 40—ранендафста.

Итальянский войскактне ты пингс ащихть грекненди оборонительнай линияснон эзда пяк ичкозе расстоянияс. Тейст аш кода использовандам механизированнай часттснон горнай райоттненди эса, но келиста применяндакшнесазь тевс артиллерият.

Калдыв метеорологический условиятне стакалгофнесазь итальянский воздушнай вийхненди операцияснон. Однако, октябрь 30-це шистонза Патры греческий ошс кафисть ульс бомбардировандаф. Шавфонь и ранендафонь маретонь лувкссь 250 ломань.

„Нью-Йорк таймс“ газетать сведенияснон коряс, октябрь 30-це шистонза греческий кой-кона острофненди лангс тисть высадка английской матросне. Английский военнай суднактне минировандазь Грецият побережьянц. Севернай Грецият валксть английский самолеттне. (ТАСС).

Зарубежнай печатс Грецияс и Африкаса итальянский армият действиизон колга

„Пари суар“ газетать известнай французский военнай обозреватель Анри Биду, корхтамок Грецияс итальянский операциятненди колга, азондсы, што главный ударс, очевидно, ули направленной Салоникит лангс (кона ащи странат север ширесонза, 150 километра албанский границать эзда). Тя—мирса порттненди эзда фкя инь цебярсь, конац ули цебярь естественнай горнай защита восток и запад ширеста. Салоникис господствондай сембе Эгейский морят лангса. Кда итальянецненди удала-ба сявомс Салоникит, то синь явоштолезь-ба Грецият кафтова, занямок меле странат сембе восточнай палксови.

Зарубежнай печатть эса азонкшневихть предположеният, што Грецияс войнась кармай сопровождаться Египетса итальянский операциятненди вишкотемаснон мархта. Швейцарский „Газетт дэ Лозан“ газетать корреспондентонотмечает, што итальянецненди удалась тиэмс Ливияс прочнай опорнай пункт, коста синь вятихть наступления Египетт лангс. Англичаттненди позициясна Египетса сйда лафча.

Тяка жа пингть корреспондентч подчеркивает, што англичаттненди и итальянецненди йоткса ули пустыня, конац итальянецне коданга аф решандакшнихть йотамс. (ТАСС).

Синь тялоти анокт

„Путь к социализму“ колхозса лувондовихть сембоц жуватань 4 фермат, конац сембе тялонь пингойда цебярста обеспечендафт кормаса.

Тяни колхозникне мольтихть отепления жуватань помещениятненди эса. Л. Икомасов. Ельниковский р-н.

Ответ. редакторс И. ЧУДАЙКИН.



СНИМКАСА: Комсомолкатне М. Новикос и М. Валушко, васенцекс Хоравы велеса (Пружанский район, Брестский область) максозь ПВХО-нь значокти норматненди. (Фотось ТАСС-ть).

Аноклась тялоти

Потякш велень „Пример“ колхозса колхозникне эряихть прок зажиточнай эряфса. Колхозса ули свиноводческий и овцеводческий фермат, а тяфта жа организовандасть молочно-товарнай фермавок, коза рамасть ни вете трактс. Жуватань поголовьясь тя колхозса фалу касы. Тяни аф муят пятафкявок колхознай куд, конац афоль уле траксоц, учанза и тувоц. С. Сургаев. Краснослободский район.

Кемонце кизось конюх

Паевань „Виде ки“ колхозть 2-це бригадасонза апака лотксек вов ни 10-це кизось работай, конюхокс Т. И. Наумов ялгась. Эряви азомс, што Наумов ялгась аф азомшка пяк кельксы эсь работанц.

Сонь алашанза фалу эряихть среднай упитанността цебярхть.

Наумов ялгась, кода цебярь конюх, пользовандай колхозникненди йоткса оцю авторитетс. И, кода цебярь конюх, выдвинутай 1941-це кизоня Всесоюзнай сельскохозяйственной выставкис участникос. Н. Лобанов. Кадешкинский р-н.

ВЛКСМ-нь комитетть работац

Комсомольский оргаттненди кочкамода меле Мизерянский комсомольский организационный сембе вийса кярмодсь производственной и внутрисоюзной работат одукс ладяманцы.

ВЛКСМ-нь комитетсь васендакит кярмодсь пропагандистский работат состояниац цебяргофтоманцы. Сидеста йотафневихть комсомолечненди и аф союзнай одломаттненди йоткса товарищеский собеседованият „ВКП(б)“-нь историят Краткай курсонц тонафни-ензонды лезконди. Тят собеседованиятненди йотафтомаса активнай участия примсихть комсомолечне, а тяфта жа аф союзнай одломаттне.

Комсомолкась Буряновас аделазе тонафнема Краткай курсть и тийсь конспект учебникть сембе 12-це главанзонды и кярмодсь Ленинонь и Сталинон трудонзон тонафнемаснонды. Комсомолкась Аверина В. П. аделазе тонафнема 4-це глават. Ня сатфкста башка пропагандистский работаса ульхть и оцю аф сатыкт. Комсо-

молецне Храмова, Тазанова и лиятне тонафнесазь нинге анычек I-це и II-це главатненди.

Аф калдыв инициатива комсомолечне няфтсть трудящайхненди йоткса массово-разъяснительнай работат вьетамаса. Клубонь заведующайс Аношкин ялгась эрь шиня клубса йотафни газетатненди эзда международнай положениа колга статья лувондомат. Отчетно-выборнай кампанияда меле клубса йотафтф беседат и лекцият разнай темас коря. Ульс йотафтф доклад международнай положениа колга и агрономонь лекция агротехника колга. Тяда башка, комсомолечненди инициативаснон вельде, ульс путф постановка „Лекарь поневоле“. Нолдаф фкя номер стенгазета „За стахановскую работу“.

Комсомолечненди кеподсь ламода производственной работасна. Кда комсомолечсь Храмов ингоде пашкоткшнесазь анычек путф норманц, тяни сон работань норманц пашкоткшнесы 150 процентс. Анокламок Октябрьский револю-

цият 23-це годовщинанцы, Храмов ялгась сявс обязательств анокламспраздникти подарка—пашкоткшнемс работань нормат 150 процентта вельф.

Тяниень пингть комсомольский организационный етафнесы эсь работанц Великай Октябрьский революцият 23-це годовщинанцы достойнай подаркав анокламань знак ала. Тянь коряс ульс йотафтф комсомольский собрания, коса путфоль тя кизефкссь. Собранияс комсомолечне сявс обязательстват, штоба лездомс колхозти аделамс праздникти сельскохозяйственной кизоть. Таранова комсомолкась (работай финагентокс) сявс обязательства пашкодемс 100 процентс финплантть. Тяниень пингть Таранова ялгась вяти масово-разъяснительнай работа финплант пашкодемани коряс. Комсомолечне-учительхне Аверина В. П., Кулыгина М. П., Бурдинова вишкотежь школаса учебно-воспитательнай работат.

И. Белов.

Ст. Шайговский район.